



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ

0090, ք.Երևան, Շոպրոնի 77 հեռ. 010 51-29-53 էլ. hsaugt patrol-service@police.am

N

01/15746


<< 15 >> 08 2022թ.

Հայկ Հարությունյանին
Հասցեն՝ ք.Երևան Նոր-Արեշ 25 փող. 6 տուն

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում 8200223732 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ որոշումը << >> թերթ

Պետի պարտականությունների ժամանակավոր կատարող
ոստիկանության գնդապետ՝

 Ա.Մաթևոսյան

Կատ. Ս.Ավետյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 08.07.2022թ-ին կայացված 8200223732 որոշումն անփոփոխ, իսկ վարչական բողոքն առանց բավարարման թողնելու մասին

<< 15 >> 08 2022թ.

ք.Երևան

ՀՀ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա.Մաթևոսյանս, վերանայելով Հայկ Հարությունյանի /Այսուհետ դիմող/ դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

08.07.2022թ. ժամը 12:50-ին Երևան քաղաքի Բ.Մուրադյան փողոցում դիմողի վարած <<ԲՄՎ>> մակնիշի 03 AR 011 հաշվառման համարանիշի տրանսպորտային միջոցը կանգնեցվել է ՀՀ ոստիկանության պարեկային ծառայության Երևան քաղաքի գնդի 4-րդ գումարտակի 2-րդ վաշտի կրտսեր պարեկ Գարեգին Վարդանյանի կողմից՝ տրանսպորտային միջոցը առանց գործող ԱՊՊԱ պայմանագրի վարելու համար:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 129.2-րդ հոդվածի 2-րդ մասի համաձայն, կայացվել է որոշում՝ վերջինիս 100.000 ՀՀ դրամի չափով տուգանելու մասին:

Դիմողը դիմումով խնդրել է բեկանել ՀՀ ոստիկանության պարեկային ծառայության վարչական իրավախախտման վերաբերյալ գործով 08.07.2022թ. կայացված թիվ 8200223732 որոշումը՝ նշելով, որ իրավախախտում չի կատարել և ներկայացրել է ԱՊՊԱ պայմանագրի լուսապատճենը:

Դիմողը վարչական լսման ժամանակ պնդել է իր բողոքը:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 08.07.2022թ. կայացված 8200223732 որոշումը ենթակա է կատարման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է իրավասու պետական մարմինների կողմից ԱՊՊԱ պայմանագիր չունեցող ավտոտրանսպորտային միջոցները վարելու միջոցով Հայաստանի Հանրապետության տարածք ներմուծում թույլատրելը:

<<Վարչական իրավախախտումների վերաբերյալ>> ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագրի ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային

ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Ներկայացված SO663825 ԱՊՊԱ պայմանագրի ուսումնասիրությամբ պարզվել է, որ նշյալ պայմանագրի սկիզբը՝ 09.07.2022 թվականի՝ ժամը 00:00 է, իսկ ավարտը՝ 08.10.2022 թ.:

<<Հայաստանի ավտոապահովագրողների բյուրո>>-ի էլեկտրոնային կայքից կատարված քաղվածքի համաձայն՝ <<ԲՄՎ>> մականիշի 03 AR 011 հաշվառման համարանիշի տրանսպորտային միջոցը 08.07.2022թ-ի ժամը 12:50-ի դրությամբ չի ունեցել գործող ԱՊՊԱ պայմանագիր:

Վարչական իրավախախտման վերաբերյալ 08.07.2022-ին կազմված արձանագրության և թիվ 8200223732 որոշման ուսումնասիրությամբ պարզվել է, որ դիմողը 08.07.2022թ. ժամը 12:50-ին Երևան քաղաքի Բ.Մուրադյան փողոցում վարել է <<ԲՄՎ>> մականիշի 03 AR 011 հաշվառման համարանիշի տրանսպորտային միջոցը՝ առանց ԱՊՊԱ պայմանագրի:

Վարչական իրավախախտման վերաբերյալ 08.07.2022-ին կազմված արձանագրությունը համապատասխանում է ՎԻՎՕ 255-րդ հոդվածի՝ վարչական իրավախախտման վերաբերյալ արձանագրությանը ներկայացվող պահանջներին, օրինաչափ է:

Վարչական իրավախախտման գործով թիվ 8200223732 որոշումը նույնպես համապատասխանում է ՎԻՎՕ 281-րդ հոդվածի՝ վարչական իրավախախտման գործի վերաբերյալ որոշմանը ներկայացվող պահանջներին, օրինաչափ է:

Այսպիսով, դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 129.2 հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 08.07.2022թ. կայացված 8200223732 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:

Պետի պարտականությունների ժամանակավոր կատարող,
ոստիկանության գնդապետ՝



Ա.Մաթևոսյան